



















古樂苑卷第四十四

西吳 梅鼎祚 補正

東越 呂胤昌 校閱

襍歌謠辭

漢歌

平城歌

漢書曰高祖自將兵三十二萬擊韓王信帝先至平城步兵未盡到冒頓縱精兵三

十餘萬圍帝於白登七日漢兵中外不得救餉樊噲時爲上將軍不能解圍天下皆歌之後用陳平秘計得免白登在平城東南去平城十餘里

平城之下亦誠苦七日不食不能殼弩

下一作圍

畫一歌

一作百姓歌漢書曰惠帝時曹參代蕭何爲相國初高帝與何定天下法令旣明具及參守職舉事無所變更一

遵何之約束於是百姓歌之





蕭何爲法講若畫一曹參代之守而勿失載其清靖民

以寧一

講史記作顓又一作觀  
又一作較靖史記作淨

淮南民歌

漢書曰淮南厲王長高帝少子也長廢  
法不軌文帝不忍置於法迺載以輜車

處蜀嚴道邛郵遣其子毋從居長不食而死  
後民有作歌歌淮南王帝聞之乃追尊淮南王

爲厲王置園  
如諸侯儀

一尺布尚可縫一斗粟尚可舂兄弟二人不相容

一尺縵好童童一升粟飽蓬蓬兄弟二人不能相容

高誘作鴻烈解叙及  
許叔重注其辭云

衛皇后歌

漢書曰衛子夫爲皇后弟  
青貴震天下天下歌之

生男無喜生女無怒獨不見衛子夫霸天下



鄭白渠歌

史記曰韓聞秦之好興事欲罷無令東伐迺使水工鄭國開說秦令鑿涇水自

中山西邸瓠口爲渠竝北山東注洛漑烏鹵之地四萬餘頃因名曰鄭國渠漢書云大始二年趙中大夫白公復秦穿渠引涇水首起谷口尾入櫟陽注渭中袤二百里漑田四千五百餘頃名曰白渠民得其饒歌之曰

田於何所池陽谷口鄭國在前白渠起後舉鋪如雲決

渠爲雨涇水一石其泥數斗且漑且糞長我禾黍衣食

京師億萬之口

漢紀爲雨下有二句云水流竈下魚跳入釜起作爲億萬之口作百萬餘口

潁川歌

漢書曰灌夫不好文學喜任俠已然諾諸所與交通無非豪傑大猾家累數千萬食

客日數十百人陂也田園宗族賓客爲權利橫潁川潁川兒歌之

潁水清灌氏寧潁水濁灌氏族



匡衡歌

漢書曰衡字稚圭東海承人也世農夫至衡好學家貧傭作以供資用尤精力過絕

人諸儒為之語

無說詩匡鼎來匡說詩解人願

牢石歌

一作印授歌漢書佞幸傳曰元帝時宦官石顯為中書令與僕射牢梁少府五鹿充

宗結為黨友諸附倚者皆得寵位民歌之言其兼官據勢也

牢邪石邪五鹿客邪印何累累綬若若邪

五侯歌

漢書曰成帝河平二年悉封舅大將軍王鳳庶弟譚為平阿侯商為成都侯立紅陽

侯根曲陽侯逢時高平侯五人同日封故世謂之五侯時五侯羣弟爭為奢侈後庭姬妾各數十人羅鐘磬舞鄭女作優倡狗馬逐馳大治第室起土山漸臺洞門高廊閣道連屬彌望百姓歌之言其奢僭如此按傳稱成都侯穿長安城引內澧水注第中大陂曲陽侯第園中土山漸



臺類白虎殿則穿城引水非曲陽與  
歌辭不同高都外杜皆長安里名

五侯初起曲陽最怒壞決高都連竟外杜土山漸臺西  
白虎

樓護歌

漢書曰樓護字君卿爲京兆吏數年甚得  
名譽與谷永俱爲五侯上客毋死送葬者  
致車二三千兩  
問里歌之曰

五侯治喪樓君卿

尹賞歌

漢書曰賞字子心鉅鹿楊氏人永始元延  
間上怠於政貴戚驕恣交通輕俠藏匿亡

命長安中姦猾浸多羣輩殺吏受賕報讐賞以  
三輔高第選守長安賞至修治長安獄穿地方  
深各數丈致令辟爲郭以大石覆其口名爲虎  
穴乃收捕輕薄少年惡子得數百人內穴中覆  
以大石百日後令死者家自發取  
親屬號哭道路歔歔長安歌之曰



安所求子歿桓東少年場生時諒不謹枯骨後何葬

上郡歌

漢書曰成帝時馮野王爲上郡太守其後弟立亦自五原太守徙西河上郡立居職公廉治行畧與野王相似而多知有恩貸好爲條教吏民嘉美野王立相代爲太守歌之曰

大馮君小馮君兄弟繼踵相因循聰明賢知惠吏民政如魯衛德化鈞周公康叔猶二君

東漢

張君歌

後漢書曰張堪光武時爲漁陽太守捕擊姦猾賞罰必信吏民皆樂爲用乃於狐奴開稻田八千餘頃勸民耕種以致殷富百姓歌之

桑無附枝麥穗兩岐張君爲政樂不可支

朱暉歌

後漢書曰暉字文季建武中再遷臨淮太守好節槩有所拔用皆厲行士諸報怨以義犯率皆爲求其理多得生濟其不義之囚即時僵仆吏人畏愛爲之歌曰



疆直自遂南陽朱季吏畏其威民懷其惠

涼州歌

一作樊曄歌後漢書曰曄光武時爲天水太守政嚴猛好申韓法善惡立斷人有犯其禁者率不生出獄吏人及羌胡畏之道不拾遺涼州爲之歌

遊子常苦貧力子天所富寧見乳虎穴不入冀府寺大

笑期必死忿怒或見置嗟我樊府君安可再遭值

董宣歌

後漢書曰董宣字少平光武時爲洛陽令搏擊豪強莫不震慄京師號爲臥虎歌之

云

枹鼓不鳴董少平

郭喬卿歌

後漢書曰郭賀字喬卿建武中爲尚書令在職六年拜荊州刺史到官有殊政

百姓歌之



厥德仁明郭喬卿中正朝廷上下平

上下一作天下

費貽歌

常璩華陽國志曰費貽字奉君南安人也公孫述時漆身為厲佯狂避世述破為合

浦守蜀中

歌之曰

節義至仁費奉君不仕亂世不避惡君脩身於蜀紀名

亦足後世為大族

三句疑非歌語

鮑司隸歌

列異傳曰鮑宣宣子永永子昱三世皆為司隸而乘一驄馬京師人歌之二云

鮑氏驄三人司隸再人公馬雖瘦行步工

通博南歌

一題作行者歌後漢書西南夷傳曰永平十二年哀牢王柳貌遣子率種人內

屬顯宗以其地置哀牢博南二縣割益州郡西部都尉所領六縣合為永昌郡始通博南山度

蘭倉水行者苦之作歌



漢德廣開不賓度博南越蘭津度蘭倉為它人

漢書注倉作滄

廉范歌

後漢書曰廉范字叔度建初中為蜀郡太守成都民物阜盛邑宇逼側舊制禁民夜

作以防火災而更相隱蔽燒者曰屬范乃毀削前令但嚴使儲水而已百姓為便乃歌之云

廉叔度來何暮不禁火民安作平生無襦今五袴

民安作東

觀記作人安堵平生無襦今五袴華陽國志作來時我單衣去時重五袴又一作昔無襦今五袴

喻猛歌

和帝時蒼梧太守以清白為治郡頌之曰

於惟蒼梧交趾之域大漢唯宗遠以仁德

陳紀山歌

華陽國志曰巴郡陳紀山為漢司隸校尉嚴明正直西虜獻駘工廷試之分公

卿以為嬉紀山獨不視京師稱之巴人歌曰紀山陳禪字

築室載直梁國人以貞貞邪娛不揚目枉行不動身奸



軌僻乎遠理義協乎民

黎陽令張公頌

見故迹遺文

公與守相駕蜚魚往來倏忽遠熹娛慰此屯民寧厥居

魏郡輿人歌

岑熙爲魏郡太守招聘隱逸與參政事無爲而化視事二年輿人歌之

我有枳棘岑君伐之我有蝨賊岑君遏之狗吠不驚足下生鼃含脯鼓腹焉知凶災我喜我生獨丁斯時美矣岑君於戲休茲

吳資歌

常璩華陽國志曰大山吳資字元約孝順帝永建中爲巴郡太守屢獲豐年人歌之

曰云云及資遷去人思資又歌曰吳資

習習晨風動澍雨潤禾苗我后恤時務我人以優饒



望遠忽不見惆悵當徘徊恩澤實難忘悠悠心永懷

范史雲歌

後漢書曰范冉字史雲桓帝時爲萊蕪長遭母喪不到官後遁身於梁沛之間

徒行敝服賣卜於市遭黨人禁錮遂推鹿車載妻子捃拾自資所止卑陋有時絕粒窮居自若言貌無改閭里歌之冉袁山松後漢書作丹

餽中生塵范史雲金中生魚范萊蕪

陳臨歌

謝承後漢書曰陳臨字子然爲蒼梧太守人遺腹子報父怨捕得繫獄傷其無子令

其妻入獄遂產得男人歌曰

蒼梧陳君恩廣大令死罪囚有後代德參古賢天報施

又

蒼梧府君惠及死能令死人不絕嗣



劉君歌

後漢書曰劉陶字子奇潁川潁陰人濟北  
貞王勃之後桓帝時舉孝廉除順陽長縣  
多姦猾陶到官宣募吏民有氣力勇猛能以死  
易生者得數百人皆嚴兵待命於是覆案姦軌  
所按發若神以病  
免吏民思而歌之

邑然不樂思我劉君何時復來安此下民

賈父歌

後漢書曰中平元年交趾屯兵執刺史及  
合浦太守靈帝敕三府精選能吏有司舉  
賈琮爲交趾刺史琮到部訊其反狀咸言賦歛  
過重民不聊生故聚爲盜琮卽移書告示各使  
安其資業招撫荒散蠲復徭役誅斬渠帥爲大  
害者簡選良吏試守諸縣百姓以安巷路爲之  
歌

賈父來晚使我先反今見清平吏不敢飯

皇甫嵩歌

後漢書曰皇甫嵩字義真安定朝那人  
靈帝特黃巾作亂以嵩爲左中郎將討



賊數有功拜左車騎將軍領冀州牧封槐里侯  
高請冀州一年田租以贍飢民百姓歌曰

天下大亂兮市爲墟母不保子今妻失夫賴得皇甫今

復安居

董逃歌

一作靈帝中平中京都歌後漢書五行志曰按董調董卓也言雖拔扈縱其殘暴終

歸逃竄至於滅族也風俗通云卓以董逃之歌主爲已發大禁絕之楊孚董卓傳曰卓改董逃

爲董安

承樂世董逃遊四郭董逃蒙天恩董逃帶金紫董逃行

謝恩董逃整車騎董逃垂欲發董逃與中辭董逃出西

門董逃瞻宮殿董逃望京城董逃日夜絕董逃心摧傷董逃

布歌

華嶠後漢書曰王允與呂布及士孫瑞謀董卓有人書回字於布上負而行於市歌曰云



云有告卓者卓不悟獻帝春秋曰有書二尺布  
幡上作兩口相銜之字及布殺卓負布者不復  
見

### 布乎布乎

#### 洛陽令歌

長沙耆舊傳曰祝良字石卿爲洛陽令  
歲時亢旱天子祈雨不得良乃暴身階

庭告誠引罪自晨至申紫雲  
沓起甘雨登降人爲之歌

天久不雨  
人失所  
天王自出  
祝令特苦  
精符感應  
滂沱下雨

#### 崔瑗歌

崔氏家傳曰崔瑗爲汲令開溝造稻田蒲  
鹵之地更爲沃壤民賴其利長老歌之曰

上天降神明  
錫我仁慈  
父臨民布  
德澤恩惠  
施以序穿  
溝廣漑灌  
決渠作甘雨



爰珍歌

陳留老目舊傳曰爰珍除六令吏人訟息教誨其子弟歌之曰

我有田疇爰父殖置我有子弟爰父教誨

高孝甫歌

陳留曰耆舊傳曰高慎字孝甫敦質少華嘿而好沈深之謀為從事號曰臥虎故

人謂之曰

凝然不語名高孝甫

襄陽太守歌

襄陽耆舊傳曰襄陽太守胡烈有惠化百姓歌曰

美哉明后雋哲惟凝陶廣乾坤周孔是則文武播暢威

振遐域

兩黃歌

襄陽耆舊記曰黃穆字伯開博學養門徒為山陽太守有德政致甘露白鬼神雀白

鳩之瑞弟與字仲開為武陵太守貪穢無行武陵人歌曰云云言不同也



天有冬夏人有兩黃

樊惠渠歌

并序

陽陵縣東其地衍隄土氣辛螯嘉穀不植而涇水長流光和五年京兆尹樊君勤恤民隱乃立新渠曩之鹵田化爲甘壤農民怡悅相與謳談疆畔斐然成章謂之樊惠渠云

蔡邕

我有長流莫或閼之我有溝澮莫或達之田疇斥鹵莫修莫釐饑饉困悴莫恤莫思乃有樊君作人父母立我畝畝黃潦膏凝多稼茂止惠乃無疆如何勿喜我壤旣營我疆斯成泯泯我人旣富且盈爲酒爲釀蒸彼祖靈貽福惠君壽考且寧



茅山父老歌

見雲笈七籤外編作大茅君誤茅君鄉人因改句曲爲茅君之山時盈二弟俱貴秉爲五官大夫西河太守固爲執金吾各棄官渡江求兄於東山後咸得仙道太上命固治丹陽句曲山衷治常良之山盈爲司命真君東嶽上卿於是盈與二弟訣別俱去固衷留治此山漢平帝元壽二年也內法旣融外教坦平爾乃風雨以時五禾成熟疾癘不起暴害不行父老歌曰

茅山連金陵江湖據下流三神乘白鶴各在一山頭佳

雨灌畦稻陸田亦復周妻子保堂堂使我無自憂白鶴

翔青天何時復來遊

在一一作治青天一作金穴此本僊詩舊編靈寶已謠入古此從附漢

蜀國風

華陽國志曰漢安帝時巴郡太守連失道國人風之曰按此下二篇志不云爲歌

謠然亦不明云詩下篇頗類樂府今附于後



明明上天下土是觀帝選元后求定民安孰可不念禍  
福由人願君奉詔惟德日親

蜀國刺

華陽國志曰孝桓帝時河南李盛仲和爲郡守貪財重賦國人刺之曰

狗吠何誼誼有吏來在門披衣出門應府記欲得錢語  
窮及請期吏怒反見尤旋步顧家中家中無可與思往  
往鄰貸鄰人以言遺錢錢何難得令我獨憔悴

隴頭歌

秦川記曰隴西郡隴山其上懸巖吐溜於中嶺泉亭因名萬石泉泉溢漫散而下溝

澮皆注故北人升此而歌曰隴頭按漢橫吹曲有隴頭而亡其辭此或其遺也梁鼓角橫吹亦載此與匈奴歌舊

編在漢今附從

隴頭流水流離四下念我行役飄然曠野登高望遠涕



零雙墮

又歌

隴頭流水鳴聲幽咽遙望秦川肝腸斷絕

匈奴歌

十道志曰焉支祁連二山皆美水草匈奴失之乃作此歌

失我焉支山令我婦女無顏色失我祁連山使我六畜

不蕃息

亦載西河舊事失我祁連山二句在前



古樂苑卷第四十四終



古樂苑卷第四十五

西吳 梅鼎祚 補正

東越 呂胤昌 校閱

襍歌謠辭

漢謠

武帝太初中謠

拾遺記曰太初二年大月氏國貢雙頭雞四足一尾鳴則俱鳴武帝

置於甘泉故館更以餘雞混之得其種類而不能鳴諫者曰詩云牝雞無晨今雄雞不鳴非吉祥也帝乃送還西域行至西關雞反顧漢宮而哀鳴故謠言曰三七至王莽篡位將軍有九虎之號其後亂彌多宮掖中生蒿棘家無雞鳴犬吠

三七末世雞不鳴犬不吠宮中荆棘亂相繫當有九虎

爭為帝



元帝時童謠

漢書五行志曰元帝時童謠至成帝建始二年三月戊子北宮中井泉稍

上溢出南流井水陰也竈烟陽也玉堂金門至尊之居象陰盛而滅陽竊有宮室之應也王莽生於元帝初元四年至成帝封侯爲三公輔政因以篡位也

井水溢滅竈煙灌玉堂流金門

長安謠

漢書佞幸傳曰成帝初丞相御史條奏石顯舊惡及其黨牢梁陳順皆免官顯與婁子徙歸故郡憂懣不食道病死諸所交結以顯爲官皆廢罷少府五鹿充宗左遷玄菟太守御史中丞伊嘉爲鴈門都尉長安謠云

伊徙鴈鹿徙菟去牢與陳實無賈

讀曰價一作石無徙

成帝時燕燕童謠

漢書五行志曰成帝時童謠後帝爲微行出遊常與富平侯張

放俱稱富平侯家人過平陽主作樂見舞者趙飛燕而幸之故曰燕燕尾涎涎美好貌也張公



子謂富平侯也木門倉琅根為宮門銅餞言將  
尊貴也後遂為皇后弟昭儀賊害後宮皇子卒  
皆伏辜所謂燕飛來啄皇  
孫皇孫死燕啄矢者也

燕燕尾涎涎張公子時相見木門倉琅根燕飛來啄皇

孫皇孫死燕啄矢

涎徒見反

成帝時歌謠

漢書五行志曰成帝時歌謠也桂赤色漢家象華不實無繼嗣也王莽自

謂黃象黃爵巢其顛也

邪徑敗良田讒口亂善人桂樹華不實黃爵巢其顛昔  
為人所羨今為人所憐

鴻隙陂童謠

一作王莽時汝南童謠漢書曰汝南舊有鴻隙大陂郡以為饒成帝時關

東數水陂溢為害翟方進為相與御史大夫孔光共遣椽行視以為決去陂水其地肥美省隄



防費而無水憂遂奏罷之及翟氏滅鄉里歸惡  
言方進請陂下良田不得而奏罷陂云王莽時  
常枯旱郡中追怨方進時  
有童謠于威方進字也

壞陂誰翟子威飯我豆食羹芋魁反乎覆陂當復誰云

者兩黃鵠

一云敗我陂者翟子威  
飴我大豆烹我芋魁

王莽末天水童謠

後漢書五行志曰時隗囂初起  
兵於天水後意稍廣欲爲天子

遂被滅囂少病蹇吳門冀  
郭門名也緹羣山名也

出吳門望緹羣見一蹇人言欲上天令天可上地上安

得民

王莽誅童謠

劉謙之晉紀王  
莽誅童謠云

昔年食麥屑今年食荳豆荳豆不可食使我枯隴喉



更始時南陽童謠

後漢書五行志曰更始時南陽有童謠是時更始在長安世祖

為大司馬平定河北更始大臣竝僭專權故謠妖作也後更始遂為赤眉所殺是更始之不諧

在赤眉也世祖自河北興

諧不諧在赤眉得不得在河北

後漢時蜀中童謠

後漢書五行志曰世祖建武六年蜀中童謠是時公孫述僭號

於蜀時人竊言王莽稱黃述欲繼之故稱白五銖漢家貨明當復也述遂誅滅

黃牛白腹五銖當復

城中謠

玉臺作童謠歌漢書曰馬后履行節儉事從簡約馬廖慮以美業難終上疏長樂宮

以勸成德政長安語曰云云斯言如戲有切事實

城中好高髻四方高一尺城中好廣眉四方且半額城



中好大袖四方全匹帛

風俗通曰趙王好大眉民間潤半額楚王好廣領國人永沒頸

齊王好細腰後宮有餓死者

會稽童謠

後漢書曰張霸永元中為會稽太守時賊未解郡界不寧乃移書開購明用信

賞賊遂束手歸附不煩士卒之力童謠歌

弃我戟捐我矛盜賊盡吏皆休

我一作若

又謠

益部耆舊傳曰張霸為會稽太守舉賢士勸教講授一郡慕化但聞誦聲又野無遺寇民

謠曰

城上烏鳴哺父母府中諸吏皆孝友

河內謠

東觀漢記曰王渙除河內溫令商賈露宿人開門臥人為作謠曰

王稚子代未有平徭役百姓喜



順帝末京都童謠

後漢書五行志曰按順帝卽世孝質短祚大將軍梁冀貪樹驢

幼以爲已功專國號今以贍其私太尉李固以爲清河王雅性聰明敦詩悅禮加以屬親立長則順置善則固而冀建白太后策免固徵蠡吾侯遂卽至尊固是月幽斃于獄暴屍道路而太尉胡廣封安樂鄉侯司徒趙戒尉亭侯司空袁湯安國亭侯云

直如弦外道邊曲如鉤反封侯

反一作乃

桓帝初小麥童謠

後漢書五行志曰桓帝之初天下童謠按元嘉中涼州諸羌一

時俱反南入蜀漢東抄三輔延及并冀大爲民害命將出衆每戰常負中國益發軍卒麥多委弃但有婦女獲刈之也吏買馬君具車者言調發重及有秩者也請爲諸君鼓隴胡者不敢公言私咽語也

小麥青青大麥枯誰當穫者婦與姑丈夫何在西擊胡



吏買馬君具車請爲諸君鼓隴胡

城上烏童謠

後漢書五行志曰桓帝之初京師童謠按此皆爲政貪也城上烏尾畢逋

者處高利獨食不與下若謂人主多聚斂也公爲吏子爲徒者言蠻夷將畔逆父旣爲軍吏而其子又爲卒徒往擊之也一徒死百乘車者言前一人往討胡旣死矣後又遣百乘車往車班班入河間者言桓帝將崩乘輿班班入河間迎靈帝也河間姪女工數錢以錢爲室金爲堂者靈帝旣立其母永樂太后好聚金以爲堂也石上慊慊春黃梁言永樂唯積金錢慊慊常若不足吏民春黃梁而食之也梁下有懸鼓我欲擊之丞卿怒者言永樂主教靈帝使賣官受錢所祿非其人天下忠篤之士怨望欲擊懸鼓以求見丞卿主鼓者亦復諂順怒而止我也

城上烏尾畢逋公爲吏子爲徒一徒死百乘車車班班入河間河間姪女工數錢以錢爲室金爲堂石上慊慊



春黃糧梁下有懸鼓我欲擊之丞卿怒

桓帝初京都童謠

五行志曰延熹末鄧皇后以譴自殺乃以竇貴人代之其父名

武字游平拜城門校尉及太后攝政為大將軍與太傅陳蕃合心戮力惟德是建印綬所加咸得其人豪賢大姓皆絕望矣

游平賣印自有平不辟豪賢及大姓

鄉人謠

初桓帝為侯時受學於甘陵周福及後即位擢為尚書時同郡房植有名謠云

天下規矩房伯武因師獲印周仲進

伯武植字仲進福字

任安二謠

後漢書曰任安字定祖廣漢綿竹人少遊太學受孟氏易兼通數經又從同郡

楊厚學圖識窮極其術時人稱曰

欲知仲桓問任安



又

居今行古任定祖

二郡謠

後漢書曰汝南太守宗資任功曹范滂南陽太守成瑨亦委功曹岑暉范滂字孟博

岑暉字公孝

二郡為謠

汝南太守范孟博南陽宗資主畫諾南陽太守岑公孝

弘農成瑨但坐嘯

太學中謠

見陶淵明集袁山松後漢書曰桓帝時朝廷日亂李膺風格秀整高自標尚後

進之士升其堂者以為登龍門太學生三萬餘人踴天下士上稱三君次八俊次八顧次八及次八厨猶古之八元八凱也因為七言謠曰

天下忠誠竇游平

大將軍槐里侯扶風平陵竇武字游平

天下義府陳仲



舉太傅高陽鄉侯汝南天下德弘劉仲承侍中河間樂

右三君

一云不畏強禦陳仲舉九卿直言有陳蕃

天下模楷李元禮

少傅潁川襄城李膺字元禮

天下英秀王叔茂

司空

山陽高平王暢字叔茂

天下良輔杜周甫

太僕潁川陽城杜密字周甫

天下冰

凌朱季陵

司隸校尉沛國朱寓字季陵

天下忠貞魏少英

尚書會稽上虞魏朗

字少英

天下好交荀伯條

沛國潁陰荀昱字伯條

天下稽古劉伯祖

大司農博陵安平劉祐字伯祖

天下才英趙仲經

太常蜀郡成都趙典字仲經

右八俊

天下和雍郭林宗

有道太原介休郭泰字林宗

天下慕恃夏子治

太常



陳留圍夏馥字子治

天下英藩尹伯元

尚書令河南鞏尹勳字伯元

天下清苦

羊嗣祖

河南尹太山平陽羊陟字嗣祖

天下珪金劉叔林

議郎東郡發劉儒字叔林

天下雅志蔡孟喜

冀州刺史陳國項蔡衍字孟喜

天下臥虎巴恭祖

川

太守渤海東城巴肅字恭祖

天下通儒宗孝初

議郎南陽安衆宗慈字孝初

右八顧

後漢書無劉儒有范滂

海內賢珍陳子鱗

御史中丞汝南召陵陳翔字子鱗

海內忠烈張元節

太尉山陽高平張儉字元節

海內謇諤范孟博

太尉掾汝南細陽范滂字孟博

海內

通士檀文友

蒙令山陽高平檀敷字文友

海內才珍孔世元

洛陽令魯國孔

昱字世元後漢書云字元世

海內彬彬范仲真

太山太守渤海重合范康字仲真

海

內珍好岑公孝

太尉掾南陽棘陽岑暉字公孝

海內所稱劉景升

鎮南將軍



荊州牧武城侯山陽  
高平劉表字景升

右八及後漢書無范  
滂有翟超

海內賢智王伯義少府東萊曲城王商字  
伯義後漢書作王章海內修整蕃

嘉景郎中魯國蕃  
鄉字嘉景海內貞良秦平王北海相陳留已  
吾秦周字平王海

內珍奇胡母季皮侍御史太山奉高  
胡母班字季皮海內光光劉子相

太尉掾潁川陰  
劉翊字子相海內依怙王文祖冀州刺史東平壽  
張王考字文祖海

內嚴恪張孟卓陳留相東平壽  
張張邈字孟卓海內清明度博平荊州  
刺史

山陽湖陸度  
尚字博平

右八廚後漢書無劉  
翊有劉儒

桓帝末京都童謠後漢書五行志曰桓帝之末京  
都童謠按解犢亭屬饒陽河間



縣也居無幾河而桓帝崩使者與解憤侯皆白  
蓋車從河間來延延衆貌是時御史劉儵建議  
立靈帝以儵爲侍中中常侍侯覽畏其親近必  
當間已白拜儵泰山太守因令司隸迫促殺之  
朝廷少長思其功效乃拔用其  
弟郃致位司徒此爲合諧也

# 白蓋小車何延延河間來合諧河間來合諧

## 桓帝末京都童謠

後漢書五行志曰按易曰拔茅連茹以其彙征吉茅喻羣賢也

井者法也于時中常侍管霸蘇康憎疾海內英  
哲與長樂少府劉囂太常許永尚書柳分尋穆  
史佟司隸唐珍等代作唇齒河內牢川詣闕上  
書汝潁南陽上采虛譽專作威福甘陵有南北  
二部三輔尤甚由是博考黃門北寺始見廢閣  
茅田一項者言羣賢多也中有井者言雖阨窮  
不失其法度也四方纖纖不可整者言姦慝大  
熾不可整理嚼復嚼者京都飲酒相強之辭也  
言食肉者鄙不恤王政徒耽宴飲歌呼而已也  
今年尚可者言但禁錮也後年饒者陳竇被誅



天下  
大壞

茅田一頃中有井四方纖纖不可整嚼復嚼今年尚可

後年饒

風俗通作饒

桓靈時童謠

後漢書曰桓帝之世更相濫舉人為之謠

舉秀才不知書察孝廉父別居

又

見抱朴子

舉秀才不知書舉孝廉父別居寒素清白濁如泥高第

良將怯如鼃

譚苑醍醐云泥音涅鼃音篋鼃或音密則泥當音匿古音例無定也晉書作怯如雞

蓋不得其音而改之

靈帝末京都童謠

後漢書五行志曰靈帝之末京都童謠至中平六年少帝登躡



至尊獻帝未有爵號爲中常侍段珪等所執公卿百官皆隨其後到河上乃得來還此爲非侯非王上北芒者也

侯非侯王非王千乘萬騎上北芒

張璠漢記走北郎

羊續謠

古今善言曰續字興祖太山人靈帝時欲用爲三司而中官求其賂續出黃紙補袍

以示使者時人謠曰

天下清苦羊興祖

八顧中有云天下清苦羊嗣祖乃羊陟也

京兆謠

續漢書曰李熹拜京兆詔發西園錢熹上封事遂止不發吏民愛敬乃爲此謠

我府君道教舉恩如春威如虎剛不吐柔不如愛如母

訓如父

獻帝初童謠

後漢書五行志曰獻帝初童謠公孫瓚以爲易地當之遂徙鎮焉乃修城



積穀以待天下之變建安三年袁紹攻瓚瓚大敗溢其姊妹妻子引火自焚紹兵趣登臺斬之初瓚破黃巾殺劉虞乘勝南下侵據齊地雄威大震而不能開廓遠圖欲以堅城觀時坐聽圍戮斯亦自易地而去世也

燕南垂趙北際中央不合大如礪唯有此中可避世

獻帝初京都童謠

後漢書五行志曰獻帝元初京都童謠按千里草為董十日卜

為卓凡別字之體皆從上起左右離合無有從下發端者也今二字如此者天意若曰卓自下摩上以臣陵君也青青暴盛之貌不得生者亦旋破亡

千里草何青青十日卜不得生

英雄記作猶不生

興平中吳中童謠

吳志曰初興平中吳中童謠閭門吳西郭門後孫權即位稱吳

黃金車班蘭耳開閭門出天子

開一作閭



建安初荊州童謠

後漢書五行志曰言自中興以來荊州無破亂及劉表為牧又

豐樂至此逮八九年當始哀者謂劉表妻當死諸將竝零落也十三年無子遺者言十三年表

又當死民當移詣冀州也

八九年間始欲哀至十三年無子遺

恒農童謠

陳留耆舊傳曰吳祐為恒農令勸善懲姦貪濁出境甘露降年穀豐豆童謠曰

君不我憂人何以休不行界署焉知人處

閭君謠

華陽國志曰閭慮字孟度為綿竹令以禮讓為本童謠曰

閭君賦政既明且昶去苛去辟動以禮讓

一云閭君賦政明且咏蠲

苛去碎以禮讓

京師謠

後漢黃琬傳曰舊制光祿三四省郎以高功九次才德尤異者為茂才異行時權富



子弟以人事得舉而貧約守志者以窮迫見遺京師爲之謠曰

欲得不能光祿茂才

能乃來切

少林

益都耆舊傳曰王忱字少林請京師於客邸見諸生病甚困生謂忱曰腰下有金十斤願

以相與乞收藏尸骸未問姓名呼吸因絕忱賣金一斤以給棺絮九斤置生腰下後署大度亭長到亭日有馬一匹至亭中其日大風有一繡被隨風來後忱騎馬突入它舍主人見曰得真盜矣忱說得狀又取被視之彥父悵然曰被馬俱止卿有何陰德忱具說葬諸生事彥父曰此吾子也姓金名彥遣迎彥喪餘金具存民謠之曰

信哉少林世爲遇飛被走馬與鬼遇

石里

商氏世傳曰商亮字子華舉孝廉到陽城遇兩虎爭一羊亮按劍直前斬羊虎乃各以其

一半去時人爲之謠曰



石里之勇商子華暴虎見之藏爪牙

藏一作合

漢末謠

地理志曰武康縣本烏程之餘不鄉也漢末童謠云云吳乃改會稽之餘暨爲永興

分餘不爲永  
安以協謠言

天子當興東南三餘之間

古樂苑卷第四十五

終



古樂苑卷第四十六

西吳 梅鼎祚 補正

東越 呂胤昌 校閱

襍歌謠辭

漢諺語

楚人諺

漢書云季布為任俠有名楚人諺曰

得黃金白不如得季布諾

韓信引人言

史記曰漢六年人有上書告楚王信反高祖令武士縛信信曰果若人言

狡兔死良狗烹高鳥盡良弓藏敵國破謀臣亡

良書曰作走高作飛

淮陽語

河南志應曜隱於淮陽山中與四皓俱徵獨不至時人語曰

商山四皓不如淮陽一老



鄢語

史記世家曰：額常以前陳平為高帝謀，執樊噲數讒曰：「陳平為相，非治事日飲醇酒，戲婦。」

女呂太后聞之，私獨喜，面質呂額於陳平曰：「鄢語曰：云云。顧我於君何如耳？無畏呂額之讒可。」

兒婦人口不可用

賈誼疏引諺

誼上疏曰：夫三代之所以長久者，以其輔翼太子有此具也。及秦而不然，

彼其所以道之者，非其理故也。鄢諺曰：云云。又曰：云云。

不習為吏視已成事

大戴禮：不習為吏，如視已成事。

前車覆後車誡

里諺

賈誼疏曰：里諺曰：云云。此善諭也。鼠近於器，尚憚不投，況於貴臣之近主乎？故有賜死而

亡戮辱。又云：臣聞之，履雖鮮，不以加枕；冠雖敝，不以苴履。

欲投鼠而忌器



袁盎引語

史記曰文帝從霸陵上欲西馳下峻阪袁盎騎並車攀轡上曰將軍怯邪盎曰

臣聞云云亦不云語

千金之子坐不垂堂百金之子不騎衡

服虔曰措身不倚衡也如淳曰

衡樓殿邊欄楯也

晁錯傳引語

史記太史公曰晁錯為家令時數言事不用後擅權多所變更反以亡軀

語曰云云豈錯等謂邪

變古亂常不死則亡

韓安國引語

史記曰公孫詭羊勝詭孝王求為帝太子及益地事景帝乃遣使捕詭勝

至梁安國入見王而泣曰治天下終不以私亂公語曰云云今大王悅一邪臣浮說犯上禁撓明法有如太后宮車即晏駕大王尚誰攀乎詭勝自殺



雖有親父安知其不為虎雖有親兄安知其不為狼

漢書

並無其字 按安國傳安國與王恢論伐匈奴以為勿擊便曰強弩之極矢不能穿暮縞衝風之末力不能漂鴻毛不云何語惟漢書臣聞之衝風之哀不能入魯縞亦不云語也且此傳中臣聞之類頗多

語

漢書漢廷臣方議削吳吳王恐削地無已因發謀舉事聞膠西王勇好兵諸侯皆畏憚之於是廼使中大夫應高口說膠西王曰今者主上任用邪臣聽信讒賊變更律令侵削諸侯徵求滋多誅罰良重日以益甚語有之曰云云吳與膠西知名諸侯也一時見察不得安肆矣大王誠幸而許之一言則天下可并兩主分割不亦可乎王曰善

牯糠及米

牯古地字

諺

外戚世家漢武帝夫人尹婕妤見邢夫人低頭俛而泣自痛其不如也諺曰云云

美女入室惡女之仇



引傳

三王世家引傳曰  
魯子書作諺曰

蓬生麻中不扶自直白沙在泥與之皆黑

李廣傳引諺

史記太史公曰余睹李將軍悛悛如  
鄙人口不能道辭及死之日天下知

與不知皆為盡哀彼其忠實  
心誠信於士大夫也諺曰

桃李不言下自成蹊

諫獵疏引諺

司馬相如傳曰常從上至長楊獵是  
時天子方好自擊熊羆馳逐野獸相

如上疏諫引鄙諺曰云  
云此言雖小可以喻大

家案千金坐不垂堂

郭解傳引諺

史記太史公曰吾觀郭解狀貌不及  
中人言語不足采者然天下無賢與

不肖知與不知皆慕其聲言  
俠者皆引以為名諺曰云云



人貌榮名豈有既乎

徐廣曰人以顏狀為貌者則貌有哀落矣唯用榮名為飭表則稱譽

無極也

司馬遷引語

漢書曰遷既被刑之後為中書令任安與遷書責以古賢臣之義遷報書

曰顧自以為身殘處穢動而見尤欲益反損是以抑鬱而無誰語語曰

誰為為之孰令聽之

紫宮諺

漢書曰李延年善歌能為新聲與女弟俱幸武帝時人語曰

一雌復一雄雙飛入紫宮

逐彈丸

西京雜記曰韓嫣好彈以金為丸一日所失者十餘長安為之語曰逐彈京師兒童

每聞嫣出彈輒隨之望丸所落便拾取焉

苦饑寒逐彈丸



馬肝石語

郭憲別國洞冥記曰元鼎五年鄧支國貢馬肝石百斤常以水銀養之內玉櫃

中金泥封其上國人長四尺惟餌此石而已半青半白如今之馬肝春碎以和九轉之丹服之彌年不饑渴也以之拂髮白者皆黑帝上羣臣於甘泉殿有髮白者以石拂之應手皆黑是時公卿語曰

不用作方伯惟須馬肝石

黃虵珠語

別國洞冥記曰有鳳葵草色丹葉長四寸味甘久食令人身輕肌滑赤松子餌之三歲乘黃虵入水得黃珠一枝色如真金或言是黃虵之卵故名虵珠亦名銷疾珠語曰

寧失千里駒不失黃虵珠

聲風木語

別國洞冥記曰太初二年東方朔從西那汗國歸得聲風木十枝獻帝長九尺大如指此木臨因桓之水則禹貢所謂因桓是也其源出甜波樹上有紫燕黃鵠集其間實如



油麻風吹枝如玉聲因以為名帝以枝遍賜尊臣臣有凶者枝則汗臣有死者枝則折昔老聃在於周世年七百歲枝竟未汗偓佺生於堯時年三千歲枝竟未一折帝乃以枝問朔朔曰臣已見此枝三過枯死而復生豈汗折而已哉里語曰

年未半枝不汗

此本五千年一濕萬歲不枯

龍爪薤語

別國洞冥記曰鳥哀國有龍爪薤長九尺色如玉煎之有膏以和紫桂為丸服

一粒千歲不饑故語曰

薤和膏身生毛

龜黃語

別國洞冥記曰影娥池中有鼈龜望其羣出岸上如連壁弄於沙岸也故語曰

夜未央待龜黃

路溫舒引諺

漢書初孝武之世張湯趙禹條定法令禁網寢密宣帝時廷尉史路溫舒



上書引  
諺曰

畫地爲獄議不入刻木爲吏期不對

東家棗

漢書曰王吉少時居長安其東家有棗樹垂吉庭中吉婦取以啖吉吉知而去婦東

家聞欲伐其樹鄰里止之因請吉還婦爲之語

曰東家吉字子陽琅琊阜虞人昭帝時爲博士

諫大夫

東家棗樹王陽婦去東家棗完去婦復還

鄒魯諺

漢書曰韋賢少子玄成復以明經歷位至丞相故鄒魯諺曰

遺子黃金滿籬不如一經

諸葛豐

漢書曰諸葛豐元帝擢爲司隸校尉刺舉無所避京師語曰

間何濶逢諸葛

言間者何久濶不相見以逢諸葛故也



三王

漢書曰成帝時王吉子駿為京兆尹試以政事先是京兆有趙廣漢張敞王尊王章王駿

皆有能名故

京師稱曰

前有趙張後有三王

五鹿

漢書曰少府五鹿充宗貴幸為梁丘易元帝好之欲考其異同令與諸易家論充宗辨口

諸儒莫能抗有薦朱雲者召入闕齊登堂抗首而請既論難連柱五鹿君故諸儒為之語曰

五鹿嶽嶽朱雲折其角

谷樓

漢書曰樓護字君卿精辯論議常依名節聽之者皆竦與谷永俱為五侯上客長安號曰

谷樓言其見信用也

谷子雲之筆札樓君卿之喉舌

張文

漢書曰成帝為太子及即位以張禹論語為師以上難數對以問經為論語章句獻之諸



儒爲之語曰張文由是學者多從張氏餘家寢微

# 不欲爲論念張文

里語

漢書成帝欲立趙婕妤爲皇后諫大夫劉輔上書引里語曰云云書奏上使侍御史收縛

輔繫獄

# 腐木不可以爲柱卑人不可以爲主

里諺

漢書成帝益封董賢二千戶賜三侯國王嘉上封事諫曰往古以來貴臣未嘗有此流聞

四方皆同怨之里諺曰云云

# 千人所指無病而死

蕭朱

漢書曰蕭育少與陳咸朱博爲友著聞當世往者有王貢故長安人語曰云云言其相薦

達也始育以公卿子顯名咸最先進爲御史中丞時朱博尚爲陵亭長爲咸育所舉拔而博先



至將軍上卿歷位多於咸育遂至丞相育與博  
後有隙不能終故世以友為難也王貢謂王陽

貢禹

蕭朱結綬王貢彈冠

王陽語

應劭風俗通曰漢書說王陽雖儒生自寒賤然好車馬衣服極為鮮好及遷徙去處

所載不過囊衣去位家居亦布衣疏食天下服其廉而恠其奢故俗傳王陽為能作黃金語曰云云王陽居官食祿雖為鮮明車馬衣服亦能幾所何足恠之乃傳俗說班固之論陋於是矣

金不可作世不可度

一作云金可作世可度

杜陵蔣翁

稽康高士傳云蔣詡字元卿杜陵人為兖州刺史王莽為宰衡詡奏事到灞上

稱病不進歸杜陵荆棘塞門舍中三逕終身不出時人諺曰

楚國二龔不如杜陵蔣翁



王君公

後漢書曰逢萌與同郡徐房平原李子雲王君公相友善並曉達陰陽懷德穢行房

與子雲養徒各千人君公遭亂獨不去僧牛自隱時人語曰

避世牆東王君公

語林亦載

幘如屋

蔡邕獨斷曰古幘無巾王莽頭禿乃始施巾故語曰

莽頭禿幘如屋

應劭漢官儀亦載里語曰王莽頭禿施幘屋

投閣

漢書曰王莽篡位後復上符命者莽盡誅之時楊雄校書天祿閣使者欲收雄雄恐乃從

閣自投幾死京師為之語曰

惟寂惟莫自投于閣爰清爰靜無作符命

南陽舊語

三輔決錄曰南陽舊語云云言其節儉也

前隊大夫范仲公鹽豉蒜果共一簞

公一作翁王莽時官有前隊之名



竈下養

東觀漢記曰更始所授官爵皆羣小賈豎或有膳夫庖人長安中為之語曰

竈下養中郎將爛羊胃騎都尉爛羊頭關內侯

郭氏語

拾遺記曰郭況者光武皇后弟也累金數億錯拾寶以飾臺榭懸明珠於四垂晝視

之如星夜望之如日里語曰

洛陽多錢郭氏室夜日晝星富無匹

嘖

後漢書曰光武姊湖陽公主新寡帝與共論朝臣微觀其意主曰宋公威容德器羣臣莫及帝

曰方且圖之後宋弘被引見帝令主坐屏風後因謂弘曰諺言云云人情乎弘曰臣聞貧賤之交不可忘糟糠之妻不下堂帝顧主曰事不諧矣

貴易交富易妻

南陽諺

後漢書曰南陽太守杜詩政治清平百姓便之時人以方召信臣南陽為之語曰



前有召父後有杜母

戴侍中

謝承後漢書云戴憑徵博士詔公卿大會令與諸儒難說帝善之後正旦朝賀羣臣

說經更相難詰義有不通輒奪其席以益通者憑遂重坐五十餘席故京師語曰

解經不窮戴侍中

一曰說不窮戴侍中

井大春

嵇康傳曰井丹字大春扶風郿人博學高論京師爲之語曰

五經紛綸井大春

馮仲文

東觀漢記曰豹字仲文好儒學以詩傳教授鄉里爲之語三輔決錄曰馮豹字仲文

後母遇之甚酷豹事之愈謹時人爲之語

道德斌斌馮仲文

賈長頭

東觀漢記曰賈逵字景伯能講左氏及五經本文以夏侯尚書教授諸儒爲之語曰



問事不休賈長頭

後漢書達身長八尺二寸

諺

漢書曹褒拜博士上疏具陳禮樂班固謂宜廣集諸儒共議得失帝曰諺言云云

作舍道傍三年不成

符子載左丘明曰古諺有之築室道傍三年不成按晉符朗撰符子

俗語

東觀漢記明德馬太后時上欲封諸舅外間曰太后曰吾自念親屬皆無柱石之功俗語

曰

時無緒澆黃土

邵伯春

東觀漢記曰邵訓字伯春鄉里號之曰

德行恂恂邵伯春

江夏黃童

後漢書曰黃香字文彊江夏人博學經典究精道術京師號曰

天下無雙江夏黃童



虞詡引諺

漢書曰永初四年羌胡反亂殘破并涼大將軍鄧騭欲棄涼州詡說太尉李脩

以為不可

引諺云

關東出相關西出將

前書云秦漢以來山東出相山西出將

陳忠疏稱語

東觀漢記曰陳忠上疏稱語曰

迎新千里送故不出門

楊伯起

東觀漢記曰楊震少嘗受歐陽尚書於太常桓郁經明博覽無不窮究諸儒為之語

曰

關西孔子楊伯起

震字伯起

諺

陸方賢楚國先賢傳見太平御覽

黃尚為司隸奸慝自弭左雄為尚書令天下慎選舉



邊延

後漢書曰延篤字叔固及邊鳳皆為京兆尹並有能名語曰張趙即趙廣漢及張敞也

前有張趙後有邊延

李固引語

後漢書黃瓊傳公車徵瓊至綸氏稱疾不進先是徵聘處士多不稱望李固以

書逆遺之曰嘗聞語曰云云

嶢嶢者易缺皦皦者易污陽春之曲和者必寡盛名之

下其實難副

胡伯始

後漢書曰太傅胡廣周流四方三十餘年歷仕六帝禮任極優練達故事明解朝章

雖無謇謇直言之風屢有補闕之益故京師諺曰

萬事不理問伯始天下中庸有胡公

廣字伯始

周宣光

東觀漢記曰周舉字宣光姿貌短陋而博學洽聞為儒者所宗京師語曰



五經縱橫周宣光

京師語

袁山松後漢書桓帝時京師稱曰

李元禮巖巖如玉山陳仲舉軒軒如千里驥

南陽語

袁山松後漢書曰桓帝時南陽語曰

朱公叔肅肅如松柏下風

四侯

後漢書曰單超王綰徐璜具瑗唐衡桓帝時共誅梁冀同日封侯謂之五侯於是朝廷日

亂超夢之後其四侯轉橫天下為之語曰

左迴天具獨坐徐臥虎唐兩墮

一作兩墮又作應聲

考城諺

後漢書曰仇覽字季智一名香陳留考城人為蒲亭長初到亭有陳元之母詣覽告

元不孝覽以善言勸慰之母聞感悔涕泣而去覽乃親到元家與其母子飲因為陳人倫孝行



譬以禍福元卒成孝  
子鄉邑爲之諺曰

父母何在在我庭化我鳴臬哺所生

孤犢諺

謝承後漢書曰仇覽字季智一名香陳留考城人也爲縣陽遂亭長有羊元者凶惡

不孝其母詣覽告之覽呼元責謂元以子道與孝經一卷使誦讀之元深改悔至母前謝罪曰

諺曰云云乞令自改卒成佳士

孤犢觸乳驕子罵母

罵一作詈

赦諺

崔寔政論曰孝文皇帝卽位二十三年乃赦示不廢舊章而已近永平建初之際亦六七

年乃赦亡命之子皆老於草野窮困懲艾頃間以來歲旦赦百姓輕爲姦非前年一赦之中大小四赦諺曰云云况不軌之民孰不肆意遂以赦爲常俗赦以趣赦轉相駢踰而不得息雖日赦之亂彌繁也



一歲再赦奴兒暗啞

崔寔引里語

政論曰每詔書所欲禁絕雖重懇惻罵詈極筆猶復廢捨終無悛意故里

語

州郡記如霹靂得詔書但掛壁

朱伯厚

後漢書曰朱震字伯厚為州從事奏濟陰太守賊罪之數諺曰

車如雞棲馬如狗疾惡如風朱伯厚

太常妻

應劭漢官儀北海周澤為太常恒齋其妻憐其年老疲病窺內問之澤大怒以為干

齋掾吏扣頭爭之不聽遂收送詔獄并自劾論者非其激發諺曰

居世不諧為太常妻一歲三百六十日三百五十九日

齋一日不齋醉如泥既作事復低迷

居世一作生代後漢書無后二句



縫掖

續漢書曰皇甫規安定鄉人有以貨買鴈門太守者亦還家書刺謁規規臥不迎有頃曰

王符在門規驚遽而起屣履出迎時人爲之語曰

徒見二千石不如一縫掖

荀氏八龍

續漢書曰荀爽字慈明幼而好學耽思經書慶弔不行微命不應潁川爲之語

曰

荀氏八龍慈明無雙

公沙六龍

袁山松後漢書曰公沙穆有六子時人號曰

公沙六龍天下無雙

賈偉節

三輔決錄曰賈彪兄弟三人並有高名彪最優故天下稱曰

賈氏三虎偉節最怒



雷陳

後漢書曰雷義字仲公豫章鄱陽人舉茂才讓于陳重刺史不聽義遂佯狂走不應命鄉

里爲之

語曰

膠漆自謂堅不如雷與陳

作奏

邯鄲氏笑林曰桓帝時有人辟公府掾者倩人作奏記文人不能爲作因語曰梁國葛龔

者先善爲記文自可爲用不煩更作遂從人言寫記文不去龔名姓府公大驚不答而罷歸時

人語曰

龔和帝時以文記知名

作奏雖工宜去葛龔

避驄

後漢書曰桓典字公雅靈帝時爲侍御史是時宦官秉政典執正無所迴避常乘驄馬京

師畏憚爲之語曰

行行且止避驄馬御史



李德公語

華陽國志曰李固為太尉質帝崩梁冀召議所立僉舉清河王蒜冀然之奏御

太后中常侍曹騰私恨蒜說冀明日更議固與杜喬必爭蒜宜立冀不聽策免固喬歲餘徵下獄自殺子燮字德公拜東平相國王為黃巾所沒得出天子復封之燮以為不可果敗時人為之語曰

李德公父不欲立帝子不欲立王

郭君

江表傳曰郭典字君業為鉅鹿太守與中郎將董卓攻黃巾賊張寶於曲陽典作圍塹卓不肯典獨於西當賊之衝晝夜進攻寶由是城守不敢出時人為之語曰

郭君圍塹董卓將不許幾令狐狸化為豺虎賴我郭君不畏強禦轉機之間敵為窮虜倚倚惠君寶完疆土

袁文開

英雄記曰袁紹父成字文開貴戚自梁冀以下皆與交言無不從京師諺曰



事不諧詣文開

詰一作問

飢人語

袁紹在冀州時滿市黃金而無斗粟餓死者相食人爲之語

虎豹之口不如飢人

時人語

曹操別傳曰呂布驍勇且有駿馬名赤兔常騎乘之時人爲之語曰

人中有呂布馬中有赤兔

里語

風俗通曰頃者廷尉多墻面苟充茲位持書侍御史不復平議讞當糾紛豈一哉里語曰

縣官漫漫冤死者半

狐渡語

風俗通曰九江多虎百姓苦之前將募民捕取武吏以除賦課郡境界皆設陷穽後

太守宋均到官乃移記屬縣壞檻穽勿復課錄退奸殘進忠良後虎悉東渡江俚語云云舟人楫櫂猶尚畏怖不敢迎上與之周旋云悉東渡誰指見者



狐欲渡河無奈尾何

俚語

風俗通曰山陽太守汝南薛恭祖喪其妻不哭謹按禮為嫡妻杖重於宗也終始永絕而

烏無測容俚語  
云云豈不悖哉

婦死腹悲唯身知之

陳茂語

風俗通曰汝南陳茂君因為荊州刺史時南陽太守灌恂本名清能茂不入宛城引

車到城東為友人衛修母拜到州恂先是茂客仕蒼梧還到修家說修坐事繫獄當死因詣府門移辭乞恩隨輩露首入坊中太守大驚立賜巾延請即為出修南陽士大夫謂恂能救解修茂彈繩不撓修竟極罪恂亦以它事去南陽疾惡殺修為之語曰

衛修有事陳茂治之衛修無事陳茂殺之

龐儉

風俗通曰龐儉父先逃走隨母流宕後居鄉里鑿井得銅遂溫富買奴曰堂上者我婦也



問其故奴曰我婦姓艾字阿宏足下有黑子腋下有赤志母曰我翁也遂為夫婦時人曰

鑿井得銅買奴得翁

劉太常

華嶠後漢書曰劉愷為太常論議常引正大義諸儒為之語曰

難經伉伉劉太常

楊子行

東觀漢記曰楊政字子行治梁丘易與祁聖元同好俱名善說京師號曰

說經鏗鏘楊子行論難僂僂祁聖元

續漢書無下句

許叔重

後漢書曰許慎字叔重少傳學經籍馬融常推敬之時人為之語續漢書慎以五經

傳說臧否不同撰五經異義傳于世

五經無雙許叔重

陳君期

東觀漢記曰陳君期字君期善說詩語曰



關東說詩陳君期

魯叔陵

東觀漢記曰魯平字叔陵兼通五經拜趙相雖居官不廢教授關東號曰

五經復興魯叔陵

繆文雅

皇甫謐達士傳曰繆斐字文雅代修儒學經術修明學士稱之時人爲之語曰

素車白馬繆文雅

許偉君

陳留風俗傳曰許晏字偉君授魯詩於瑯琊王改學曰許氏章句列在儒林故諺曰

殿上成羣許偉君

柳伯騫

江表傳曰柳琮字伯騫所拔進皆爲時所稱致位牧守鄉里爲諺曰

得黃金一笥不如爲柳伯騫所識

白眉

襄陽耆舊傳曰蜀馬良字季常宜城人也兄弟五人並有才名鄉里爲之諺良眉中有白



毛故以稱之

馬氏五常白眉最良

荊州先賢傳作頌

五門

三輔決錄曰五門子孫凡民之五門今在河南西四十里澗穀洛二水之交傳聞馬氏兄

弟五人共居此地作五門客舍因以爲名主養猪賣豚故民爲之語曰

苑中三公館下二卿五門嚶嚶但聞豚聲

魯國孔氏

孔叢子曰子和二子長曰長彥次曰季彥甘貧味道研精墳典十餘年間會徒

數百故時人爲之語曰

魯國孔氏好讀經兄弟講誦皆可聽學士來者有聲名

不過孔氏那得成

相里諺

文士傳云留侯七世孫張讚字子卿初居吳縣相人里時人諺曰



相里張多賢良積善應子孫昌

時人語

華陽國志曰趙社遣吏先尼和拜檄巴蜀

宇過成瑞灘死子賢求喪不得女絡年二十五廼分金珠作二錦囊繫兒下至二年二月十五日女絡乃乘小船至父沒所哀哭自沈見夢告賢曰至二十一日與父尸俱出至日父子浮出縣言郡太守蕭登高之尚書遣戶曹掾爲之立碑黃帛繫道人張真妻也貞受易於韓子方去家三十里船覆死貞弟求喪經月不得帛乃自往沒處躬訪不得遂自投水中大小驚睨積十四日持夫手浮出時人爲語曰先尼和

符人黃一作張

符有先絡棘道黃帛求其夫天下無有其偶

折氏諺

華陽國志曰折象字伯式雒人也其先張江爲武威太守封南陽折侯因氏焉事東

平虞叔雅以道教授門人朋友自遠而至時人爲諺曰



折氏客誰朱雲卿段節英中有佃子趙仲平但說天文

論五經

四珍語

華陽國志曰秦瑛南鄭楊拒妻大鴻臚劉巨公女也有四男二女拒亡教訓六子動

有法矩四男才官隆於先人故時人爲語曰

三苗止四珍復起

游幼齊

三輔決錄曰游殷字幼齊爲胡軫所害歲餘軫得病但言伏伏游幼齊將鬼來於是

遽死關中諺曰

生有知人之明死有責人之靈

封使君

述異記曰漢宣城守封劭化爲虎食郡民民呼曰封使君因去不復來時人語曰

無作封使君生不治民死食民



邴君

邴原別傳曰原避地遼東以虎為患自原之落獨無虎患嘗行而得遺錢拾以繫樹枝此錢不見取繫錢者逾多原問其故答者謂之社樹原惡其由已而成妄祀乃辨之於是里中遂斂其錢以為社供里長老為之誦曰

邴君行仁落邑無虎邴君行廉路樹成社

貨殖傳引諺

富者得勢益彰失勢則客無所之

千金之子不死於市

尉繚子千金不死百金不刑

百里不販樵千里不販糴

以貧求富農不如工工不如商刺繡文不如倚市門

藝文志引諺

經方論曰以熱益熱以寒益寒是所獨失也故諺曰

有病不治常得中醫

治平聲



穀語

風俗通曰穀有二陵在弘農澠池縣其語曰

東穀西穀澠池所高

洛陽語

陸機洛陽記曰洛陽有銅駝街漢鑄銅駝二枚在宮南西會道相對俗語曰

金馬門外集衆賢銅駝陌上集少年

此或晉時語



古樂苑卷第四十六

終























